



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Caroli Scribani[i] Amor Divinvs

Scribanius, Carolus

Mogvntiæ, 1616

Cap. VII. Votum Christo dormienti.

[urn:nbn:de:hbz:466:1-46242](https://nbn-resolving.org/urn:nbn:de:hbz:466:1-46242)

nauigent hæc animæ meę celeusma-  
 ta decãtata tibi, tamquam fortunata  
 scaphæ in grato hoc tibi oculorum  
 Oceano, suspiriis tamquam remisa-  
 ctæ; votiuisq; te amorum votis, tam-  
 quam expansis latè velis, secundo  
 prosperoq; te fauonio tuo impulsæ,  
 donec ad alterius meliorisq; æui  
 portum felix nauclerus exscendero:  
 in quo extra omnẽ inimicam tem-  
 pestatem, hostilemque fluctuum ia-  
 ctationem positus, æternũm canam,  
 iungarq; æternũm tibi; tanto bea-  
 tior, quanto plus hîc fontium spar-  
 serint oculi tibi, quanto plus profu-  
 derint fluminum imbriumque tibi,  
 felici æternitate donandi, beandi.

## CAP. VII.

*Votum Christo dormienti.*

**D**ormi fili, dormi, mater  
 Cantat vnigenito.

*Dormi*



*Dormi puer, dormi, pater  
Nato clamat paruulo.  
Lectum stravi tibi soli,  
Dormi nate bellule.  
Stravi lectum fœno molli,  
Dormi mi animule.  
Dormi decus & corona,  
Dormi nectar lacteum.  
Dormi, mater dabo dona,  
Dabo fauum melleum.  
Dormi sapor & dulcedo,  
Dormi mea gloria.  
Quidquid, vis en tibi cedo,  
Inter hæc præsepia.  
Dormi rosa, dormi laurus,  
Dormi matris viola.  
Dormi meus rosmarinus,  
Matris inter lilia.  
Dormi meus verus honor,  
Mille dabo suauia:  
Casta matris verus olor,  
Mille dabo basia.  
Dormi mel dulcoris merum,  
Dormi meum vinulum.*

*Dormi*



Dormi recens meum mulsam,  
 Dormi nectar coelicum.  
 Dormi nate mi mellite,  
 Dormi plene saccharo.  
 Dormi vita mea vita,  
 Casto natus utero.  
 Dormi cali musto plene,  
 Dormi plenus nectare.  
 Dormi, dormi, & dormi bene,  
 Dulci canam in armure.  
 Quidquid optas volo dare,  
 Dormi prae pupule.  
 Dormi fili, dormi cara  
 Matris deliciola.  
 Dormi mea spes & salus,  
 Dormi patris gaudium.  
 Dormi cor & meus thronus,  
 Dormi matris iubilum.  
 Dormi fili, dulce mater  
 Dulce melos concinam.  
 Dormi nate, suaue mater  
 Suaue carmen accinam.  
 Ne quid desit, sternam rosis.  
 Sternam foenum violis;



Pavimentum hyacinthis,

Et praeſepe liliis.

Si vis musicam, Pastores

Conuocabo protinus.

Illis nulli sunt priores,

Nemo canit caſtius.

O vos omnes qui transitis,

Qui videtis,

Qui gaudetis,

Cantate paruulo

Formoſulo,

Cantate puppulo

Tenellulo,

In citharis,

In cymbalis,

In fiſtulis

Bene ſonantibus.

Cantate Domino

In buccinis,

In tympanis,

In organis

Bene tonantibus.

Hæc dilecto ſuo meoq; vnigenito-  
que ſuo virgo decantat mater, dum  
amorem



amorem suum meumq; sinu fonte,  
 vberaq; lactat virgine; amicumq; ue  
 lassæ naturæ solacium, soporem ap-  
 precatur. Dulcis somnus in amati si-  
 nu; suavis somnus pendentis ab v-  
 bere, dum virgine lacte plenus in a-  
 mica procumbit vbera molles pul-  
 uillos. Grata virgini matri sarcina, op-  
 ptatum vtero pondus, dum inter so-  
 mni delicias, oculorumq; noctes,  
 genitricis purpurantur vbera dilecti  
 irrorata labris. Quis mihi tribuat in-  
 ter maternas modulationes, dilecto  
 frui, osculisq; teneras fatigare plan-  
 tas, vt amoris basis incalescat dilect<sup>9</sup>  
 meus? addam hic peccatoris vota.  
 Botrus Cyprî dilecte mi inter vbera  
 genitricis tuæ dormi. Dormi fons  
 hortorum meorum, puteus aquarû  
 viuentium quæ fluunt de Libano. ca-  
 put tuum sicut aurum optimum, o-  
 culi tui sicut columbæ virgineo lacte  
 loæ, genæ tuæ sicut areolæ aromatu,  
 labia tua distillantia myrrham pri-  
 mam,



mam, collum tuum sicut monilia,  
 manus tuæ tornatiles aureæ: talis es,  
 dilecte mi, inter vbera matris tuæ, tã-  
 quam aurora confurgens, pulcer vt  
 luna, electus vt sol. Tantùm dormi  
 dilecte mi, dormi flos decoris mei,  
 laurus mea, viola mea dormi; dor-  
 mi mea rosa, liliū meum, decus &  
 gloria mea, honor & corona capitis  
 mei dormi; dormi dulce melos meū,  
 gaudium meum, canticum & cordis  
 mei iubilū dormi mea musica, psal-  
 terium & cithara mea dormi; dormi  
 columba mea, & decoris mei turtur  
 vnice dormi; dormi dilecte mi, dile-  
 cte ex millibus dormi inter vbera di-  
 lectæ matris tuæ dilectæ ex millibus  
 dormi.

Non prouoco nunc ad præsepe.  
 molliora sunt vbera matris. Non p-  
 uoco ad cunas; suaui<sup>9</sup> in virgineo de-  
 cūbis sinu. ô si pro præsepio & fœno,  
 cor peccatriciis hui<sup>9</sup> animę deligeres!  
 dura præsepia, a perum fœnū; durius  
 pecca-



peccatoris cor est. Sed non illud ad-  
 uentu tuo, somno tuo, omni plu-  
 meo puluillo mollescat tenerius?  
 quid vis? virgineum pectus in quo  
 virginum amator, virgineo recum-  
 bas somno? cor castum, in quo casti-  
 tatis amator casta trahas suspiria?  
 Quid nouum, castum casto delecta-  
 ri pectore? magnum erit, ex non pu-  
 ro, non casto, castum purumque da-  
 re. Tu solus potes casti donator mu-  
 neris. Et non tam suaves olim mol-  
 lesque inter non casta Magdalene  
 tuæ vbera, ac inter casta Marthæ tuæ  
 somnos duxisti? quot non ante ca-  
 stas casto iunxisti fœdere? quod ali-  
 quando non castas æterno tibi iun-  
 xisti connubio, & adamasti quas fe-  
 ceras castas? aut nō suauior tibi pul-  
 uillus, Augustini tui antè nō castum  
 cor, multorum castorum semper  
 quid quæris Amor meus? animas in-  
 nocentes, & peccatorum ignaras  
 pro innocentibus an pro nocenti-

bu



bus procumbis fœno? an in Bethle-  
 hem stabulasti pro iustis, vinculis ar-  
 ctatus, cruciq; post verbera & coro-  
 nam spineam affixus pro iustis? an  
 magis pro peccatoribus & inimicis?  
 quid ergo excludor beneficio tuo?  
 aut quid contemnis munera pecca-  
 toris? ast ego aliud nullū habeo ma-  
 ius, quàm vt cor hoc peccatis, tam-  
 quam incude & malleis lentatum,  
 pro somniculi puluillo offeram tibi:  
 vt quod circumstagnatur sceleribus  
 tamquam Oceano, in molles tibi  
 succrescat cunas, quibus indormias  
 amore ebrius. Nec deerit musica so-  
 mni prouocatoria; sed viduatæ tur-  
 turis musica, pœnitentiæ lacrymis  
 tamquam rore diluta. Magdalena  
 tuæ musica molli capillari spongiâ  
 delinienda, fœcundoque oculorum  
 imbre riganda; cui innatent cunæ  
 tuæ, ne qua inimica manus, inter so-  
 mni delicias, furtim abripiat quem  
 diligit anima mea. Non deerit mu-

E

sica



- Luc. 22.* sica Petri tui, cum egressus foras fleuit  
amarè. Non deerit de cruce penden-  
tis latronis, Nos quidem iuste, nã digna  
*Luc. 23.* factis recipimus. Domine, memento mei  
cum veneris in regnum tuum. Non dee-  
rit Publicani harmonia post pecto-  
ris tunctiones, post oculorũ deiectiones,  
*Luc. 18.* Deus propitius esto mihi peccatori.  
Non deerit spirans minarum Sau-  
*Act. 9.* lus, Domine quid me vis facere? non dee-  
rit filius prodigus siliquis pastus, Pa-  
*Luc. 15.* ter, peccavi in calum & coram te, iam non  
sum dignus vocari filius tuus. Fac me sicut  
vnum de mercenariis tuis.

Et licet non adferam conatum  
Agathæ aut Agnetis, ore tereti semi-  
hiantibus in canatu labellis cantum  
eliquantium; non Catharinæ aut  
Theclæ, omnis vocalæ melleam  
modulationem; nõ Lucix aut Chri-  
stianæ omnimodis peritam modifi-  
cationem; non Domitillæ aut Cæci-  
liæ concentum varium, non Marty-  
rum bellicosum, Confessorum reli-  
giosum



giosum, Anachoretarum querulum  
 innocentum simplicem; adfero ta-  
 men seriam pœnitentis musicam, o-  
 mni tubæ rudore tenuiorem, omni  
 liræ concentu variatiorē, omni tibi-  
 questu delectabiliorem, omni fistulæ  
 susurro iucundiorē; maiore tamē  
 voluntate quàm facultate. Verùm  
 cùm in maleficiis etiam cogitata sce-  
 lera, non perfecta adhuc, vindicētur,  
 cruenta mente pura manu: non pa-  
 ria à te præmia sperem in conatu bo-  
 no? nam sicut ad pœnam sufficit me-  
 ditari puniēda; ita ad laudem satis  
 esse debeat conari præmianda, ac  
 prædicanda; maximè apud te qui  
 scrutaris corda & renes, quiq; merita  
 voluntate meritis. Adfero proinde  
 peccatorum musicam mœe orib. li-  
 cet plenam, non ingratham tamen ti-  
 bi: pro talibus enim maduerunt cu-  
 næ, virginea fluxerunt vbera matris,  
 patuerunt pedes, manus, latus, cor-  
 pus reliquum.



Ne uersare hanc musicam, de qua illud lego apud Prophetam tuū,  
*Ezech. 18.* Si impius egerit pœnitentiam, ab omnibus peccatis suis qua operatus est, omnium iniquitatum eius quas operatus est, non recordabor. Memor dicæ illius tui, Ita  
*Luc. 15.* gaudium erit in cœlo super uno peccatore pœnitentiam agente, quàm super nonaginta nouem iustis, qui non indigent pœnitentiæ. Ut iam ausim dicere, si us promissorio hoc verbo tuo: gratiora tibi flumina Magdalene potenti impulsu tuo excussa, quàm non vnus virginis stillicidia lentè manantia. Has peccantis animæ lacrymas libo sacroque tibi. Hos etiam sudores, mœroribus tamquam torcularibus expressos, purpureosq; fontes è mediis animi quondam mei saxi scaturientes, manuque tua tamquam altera Moysis virga eductos, æternum dico tibi. Suscipe tantum amor meus hæc libamina, si non innocuo corde, dolenti tamen, pœnitenti, altumque



tumque ingemiscenti oblata, vt aliquando tandem fiam *vas in honorem* <sup>2. Tim.</sup> *sanctificat in Domino*, qui fueram *vas* <sup>2.</sup> *ira in interitum*; vt ostendas diuitias glorię, in *vas misericordię*, quod preparasti ad gloriam, & nunc in Bethlehemicam gloriam tuam; vt prælepe fiam sanctificatum, Domino, regique meo, in honorem; cui in dormiat dilectus meus, cubique non in meridie tantum, sed noctibus ac diebus totis, nullo in æternum seculorum fine. Gratus somnus, in cuius medio cor vigilat, fruiturque dilecto suo, tamquam inter vbera matris. Ô fruar! & fruar æternum amico hoc Amoris somno! Ille in hoc pectore, ego in illius sinu, æterna felici cubatione, requie æterna! quam nulla nouercalis aut inimica turbet manus, nulla inuida aut æmula dextera, nullum pectus odio grauidum. Sed in æternum perennatura firmet pace, æterno amico so-



piat somno, qui solus potest Amor  
meus.

## CAP. VIII.

*Ad Pastores Angelo doctos.*

**LUC. 2.** **P**astores erant in regione eadem vigi-  
lantes & custodientes vigilias noctis  
super gregem suum. Et ecce Angelus Domi-  
ni stetit iuxta illos, & timuerunt timore  
magno. Et dixit illis Angelus, Nolite time-  
re: ecce enim euangelizo vobis gaudium  
magnum quod erit omni populo. Quia na-  
tus est vobis hodie Saluator, qui est Chri-  
stus Dominus, in ciuitate Dauid. Et hoc  
vobis signum: Inuenietis infantem pannis  
inuolutum, & positum in praesepio. Vigi-  
lantibus nimirum iura subueniunt:  
auerfatur Dominus dormientes &  
repentes. Quos & euomit tamquam  
nauseantis stomachi vomitum: non  
quod omnem excludat somnum: a-  
mat somnum, sed vigilatis somnum  
cordis. Cum inter amicas Deo cogi-  
tatio-